

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO – DOBOJSKI KANTON  
OPĆINA MAGLAJ  
OPĆINSKI NAČELNIK

Broj:01-49- 1198/12

Datum: 19.06.2012.godine

Na osnovu člana 8 Zakona o ministarskim, vladinim i drugim imenovanjima Federacije Bosne i Hercegovine (Sl. novine Federacije BiH“, broj 12/03), i člana 8 Odluke o utvrđivanju Standarda i kriterija za imenovanja na upražnjene pozicije u reguliranim tijelima općine Maglaj („ Sl. novine općine Maglaj“, broj 8 / 04), Općinski načelnik objavljuje

**O G L A S**  
**na upražnjene pozicije**  
**u reguliranim tijelima općine Maglaj**

**1. Upravni odbor**

JU CENTAR ZA SOCIJALNI RAD Maglaj

- 1 član upravnog odbora, upražnjena pozicija iz reda osnivača

JP VETERINARSKA STANICA Maglaj

- 1 član upravnog odbora, upražnjena pozicija iz reda zaposlenika,
- 2 člana, upražnjena pozicija iz reda ostalih

**2. Nadzorni odbor**

KOMUNALNO JAVNO DRUŠTVO Maglaj

- 1 član nadzornog odbora, upražnjena pozicija iz reda zaposlenika,
- 2 člana, upražnjena pozicija iz reda ostalih

Predsjednik upravnog odbora preduzeća – ustanove bira se iz reda osnivača.

Ukoliko se na ovaj oglas ne prijavi dovoljan broj kandidata iz reda zaposlenih u ustanovi ili se prijave na oglas a ne ispunjavaju uslove, izbor i imenovanje i tih članova upravnog odbora će se izvršiti kao i izbor i imenovanje ostalih članova upravnog odbora.

**Opis pozicije :**

**Predsjednik** upravnog odbora Javne ustanove rukovodi sjednicama upravnog odbora, stara se o pripremi materijala za sjednice upravnog odbora i o izvršenju akata upravnog odbora i obaveza prema općini Maglaj. Predsjednik upravnog odbora obavlja i druge poslove utvrđene Statutom i drugim aktima preduzeća.

**Upravni odbor** ustanove donosi pravila odnosno statut ustanove, imenuje i razrješava direktora ustanove, nadzire rad i poslovanje direktora ustanove a naročito u dijelu upravljanja i raspolaganja kapitalom i imovinom preduzeća, utvrđuje politiku razvoja, razmatra i usvaja izvještaje o poslovanju, predlaže raspodjelu i način upotrebe dobiti, donosi opći akt o unutrašnjoj organizaciji i sistematizaciji, podnosi osnivaču najmanje jedanput godišnje izvještaj o poslovanju preduzeća, te obavlja i druge poslove u skladu sa zakonom i pravilima / statutom preduzeća.

**Nadzorni odbor** obavlja poslove u skladu sa zakonom i aktima ustanove

**Mandat** predsjednika i članova upravnog odbora je 4 (četiri) godine uz mogućnost ponovnog imenovanja u skladu sa zakonom.

**Naknada** za rad predsjednika i članova upravnog odbora utvrđena je općim aktima ustanove i ista se isplaćuje iz sredstava preduzeća.

Kandidati za imenovanje na upražnjene pozicije u reguliranim tijelima općine Maglaj moraju ispunjavati opće i posebne uslove.

**Opći uslovi:**

- da je državljanin Bosne i Hercegovine,
- da je stariji od 18 godina,
- da je zdravstveno sposoban za obavljanje poslova na koje se kandidira,
- da nije otpušten iz državne službe kao rezultat disciplinske mjere na bilo kojem nivou vlasti u Bosni i Hercegovini u periodu od 3 godine prije dana objavljivanja javnog oglasa,
- da nije pod optužnicom Međunarodnog suda za ratne zločine u bivšoj Jugoslaviji ( član IX 1 Ustava Bosne i Hercegovine, da nije na funkciji u političkoj stranci u smislu člana 5 Zakona o ministarskim, vladinim i drugim imenovanjima u F BiH),
- da nije član organa zakonodavne , izvršne ili sudske vlasti ili savjetnik u smislu Zakona o sukobu interesa u institucijama vlasti Bosne i Hercegovine,
- da nema privatni finansijski interes u reguliranom organu u kojem se kandiduje,
- da nije osuđivan za krivično djelo i privredni prestup nespojiv s dužnošću u reguliranom organu u koji se kandiduje,
- da nije lice kojem je pravosnažnom presudom suda zabranjeno obavljanje aktivnosti u reguliranom organu za koji se kandiduje.

**Posebni uslovi:**

- Visoka ili viša stručna sprema,
- 5 godina radnog iskustva,
- da nije član upravnog ili upravnog odbora u više od jednog reguliranog organa,
- komunikativne i kreativne sposobnosti za savjesno, odgovorno i odlučno obavljanje upražnjene pozicije,
- sposobnost nepristrasnog donošenja odluka,
- rezultati rada ostvareni tokom predhodnog radnog angažmana,
- preporuke ranijih neposrednih rukovodilaca,
- poželjno poznavanje stranog jezika.

Uz prijavu kandidata, koja treba da sadrži kraću biografiju, adresu i kontakt telefon, potrebno je dostaviti i slijedeću dokumentaciju :

- izvod iz matične knjige rođenih,
- dokaz o školskoj spremi,
- dokaz o radnom iskustvu,
- uvjerenje o državljanstvu,
- uvjerenje nadležnog suda da se protiv kandidata ne vodi krivični postupak ( ne starije od 3 mjeseca, a za ostala dokumenta ne starije od 6 mjeseci), dostavljaju kandidati koji su izabrani.
- uvjerenje o zdravstvenoj sposobnosti, dostavljaju kandidati koji su izabrani.

Za dokazivanje određenih **općih i posebnih** uslova, kandidati mogu preuzeti Obrazac IZJAVA u kancelariji br.42 – Služba za urbanizam, geodetske i imovinsko pravne poslove općine Maglaj. Obrazac IZJAVA mora biti ovjerena kod nadležnog organa.

Dokumenti koji se prilažu uz prijavu moraju biti originali ili ovjerene kopije.

U prijavi kandidati su dužni naznačiti na koju poziciju se kandidiraju .

Podnosioci prijava s kojima se ne stupi u kontakt u roku od 8 dana od isteka roka od podnošenja prijava neće biti uzeti u razmatranje u daljem procesu imenovanja.

Poslednji dan podnošenja prijava računa se prema datumu objave u glasilu koje posljednje bude objavilo ovaj oglas.

Svi kandidati koji budu stavljeni na listu s užim izborom biće pozvani na intervju od strane Komisije. Poslije intervju-a kandidati su dužni dati podatke o ranijim neposrednim rukovodiocima od kojih se mogu dobiti preporuke i informacije o kandidatima i popuniti obrazac u kojem će iznijeti bilo koje pitanje koje bi moglo dovesti do sukoba interesa u slučaju da dođe do njegovog imenovanja.

Lični podaci o podnosiocima prijava su tajni i mogu se prikupljati i obrađivati samo u skladu sa zakonom o zaštiti ličnih podataka Bosne i Hercegovine („Sl. glasnik Bosne i Hercegovine“, broj 32/01).

Kandidati koji nakon intervju-a preporučí Komisija za izbor smatrat će se da su najuspješniji prošli otvorenu konkurenciju. Općinski načelnik će izvršiti konačno imenovanje, te će osigurati da se izvrše i javno objave konačna imenovanja na pozicije u reguliranim tijelima u „Službene novine Federacije Bosne i Hercegovine“.

U slučaju kada postoje dokazi da u postupku imenovanja nisu ispoštovani principi ili postupci utvrđeni Zakonom o ministarskim, vladinim i drugim imenovanjima F BiH, bilo koji kandidat ili bilo koji član javnosti može podnijeti prigovor na konačno imenovanje.

Prigovor se podnosi Općinskom načelniku u roku od 7 dana od dana donošenja odluke, a kopija se dostavlja Ombudsmenu za ljudska prava u Federaciji BiH.

Oglas će biti objavljen u „Službenim novinama F BiH“, dnevnom listu „Oslobođenje“, Oglasnoj ploči općine Maglaj, WEB stranici općine Maglaj i RTV Maglaj.

Oglas za podnošenje prijave je otvoren 15 dana od dana posljednjeg objavljivanja oglasa.

Ne blagovremene prijave neće biti razmatrane.

Prijave kandidata koji su na funkciji u političkoj stranci će se odbaciti ( kandidati koji se ne kvalificiraju) u skladu sa Zakonom o ministarskim, vladinim i drugim imenovanjima Federacije BiH.

Prijave sa svim traženim dokumentima treba dostaviti lično ili poštom preporučeno, sa naznakom „Prijava na oglas – ne otvarati“, na slijedeću adresu ; Općina Maglaj, Viteška ulica bb.

OPĆINSKI NAČELNIK

Mustabašić Mehmed, prof.